

buti, kana na keren buti, ichka skitinen peske naathe-naothe, zhi ko bresh. I avol vreme te zhan peske. Tsidiye te zhan peske i pala gele swshtone dromeste, arakhoven othe o tsiknesa.

Lachhes, ama kovka, o tikno phral, pheryas o chuvali love, a koka – o duy zhene. nanaylen nisave pares sosa te zhan peske. Phuchle o tsiknes, akana:

– So keryan tu, be phrala?

– Emi, so keryom. Ikalyom da ekh gono love, ka zhav mange.

Kaka o duy zhene da dikhen pes ando yakha ekh aver. Thoven akana kapani sar pe phrales te mudaren, sar te len leske love. Gele, gele, do nekade gele, dikhen ekh bunari. Vakerna leske:

– E, savo lachho bunari, savo lachho pani isi athe! Aven kate akana, te dikhas amen ko bunari.

Ya, ma o hurdo phral na ulo budala i vakarol:

– Me nashti te avav ko bunari, te dikhas amen! Me sioym but khino manush, phralale. Me ka beshav kate hari, pala tume dikhen tume ko bunari.

A len ulo plani, te astaren e chhaves, ando bunari te chhiven les. Lachhes, ama o chhavro na gelo. Tsidinde te zhan peske i o tsiknoro phenlyas lenge:

– Shunen mande, akana. Me zhanava kay tumari tsel si man te mudaren, te len o love. Ama, aven akana athe. So si man love, ka delinav ko trin zhene, ma nashalen man, ma mudaren man, phralale!

Sar phenlyas o tsikno phral, choka achhilo. Hulavde o pares, ushtile, tsidinde peske. Abre-ubre, gele pe dizate. Reste pe kheres. Lengoro dat loshanilo lenge but. Kay posute hari ov rukindyas len pash pes, phuchlyas len:

– A chhavale, tumen sar nakhaven, so kerden, so lachharen?

– A be, baba, sar nakhavyam li? Ami – astardyas anglal o nay-tsikno phral, – mo baro phral vakeryas te zhav me akhe dromesa, ola astarde kupate aver dromesa. Kate gele, so kerde, so lachharde, me na diklyom, ama love nashtine pechelinen. Alo lengo bresh, lengi data, avas amenge. Prebirisaylilyam swshtone chatwmesa, dromesa alyam pala. Dobre, ama kay tsidiyam te avas, arakhlyam ko drom ekh bunari. O duy zhene gele te dikhen les. Man da vikinen te dikhama hay savo siom gizdavo. Ama lengiri tsel si man ola te chhiven andre, te len me love. Me, baba, ko bunari na gelyom. I vakeryom lenge chuka: shtom si tumen merakos man te mudaren, kaka love, so ikalyom len, so pecheliom, ka